

ԳՅՈՒՂԱԿԱՆ ՀԱՄԱՅՆՔԸ
Ս. ԵՂԻԱՋԱՐՅԱՆԻ ՏՆՏԵՍԱԳԻՏԱԿԱՆ ՀԱՅԱՑՔՆԵՐԻ ՀԱՄԱԿԱՐԳՈՒՄ

ՌՈՐԵՐՏ ՍԱՐԻՆՅԱՆ

XIX դ. երկրորդ կեսում գյուղական համայնքի քննության հարցը սրու-
թյամբ դրվեց՝ ղրաղեցնելով հասարակական ուղղությունների ուշադրությունը:
Վերլուծվում կամ առաջադրվում էին տեսակետներ, որոնք նպատակ ունեին
որոշելու համայնքի տեղն ու դերը հասարակական զարգացման պրոցեսում:
Համայնքի հարցը իր վրա էր սեռել ինչպես ուսական, այնպես էլ եվրոպական
անվանի հետազոտողների ուշադրությունը: Եվ դա հասկանալի էր: Կապիտա-
լիզմի արագ զարգացումն իր ոլորապատկարի մեջ էր առել համայնքը՝ փոխա-
կերպելով համայնական հարաբերությունների կառուցվածքը: Օրակարգում
դրված էր համայնքի պատմական գոյության իրավունքը: Հասարակական
զարգացման այդ բեկումնային ժամանակաշրջանում հայտնի տնտեսագետ
Ս. Եղիազարյանը հանդես եկավ մի աշխատությամբ, որով նպատակ էր հե-
տադնում ճշտումնասիրել Անդրկովկասի հաստատությունների պատմությու-
նը և առաջին անգամ փորձում տալ գյուղական համայնքի յուրահատուկ կազ-
մակերպության ուրվագիծը¹: Այդ աշխատությունը տնտեսագիտական կարե-
վոր արժեք ունի համայնքի սոցիալական նկարագրի բացահայտման տեսակե-
տից և հանդիսանալով նախահեղափոխական հետազոտություններից «լավա-
գույնը»², հարուստ վիճակագրական ու փաստական նյութ է պարունակում
ժամանակաշրջանի գյուղացիության տնտեսական վիճակի վերաբերյալ: Երկ-
րամասի համայնական հարաբերությունների հարցերը մինչ այդ արժարժվել
էին առանձին աշխատություններում, որոնցից Ս. Եղիազարյանը հատկապես
արժեքավորում է ուս հայտնի տնտեսագետ Մ. Կովալևսկու հետազոտությու-
ները և Վ. Միլլերի օսեթական էտյուդները:

Հավանաբար, կրելով Մ. Կովալևսկու ազդեցությունը, Ս. Եղիազարյանը
գտնում էր, որ համայնական հողատիրությունը զարգացման սկզբնական շրջ-
անում հատուկ է եղել բոլոր ազգերին: Նա չի համաձայնում այն հեղինակնե-
րի հետ (Ա. Երիցյան, Ս. Զելինսկի, Ն. Աբելով), ովքեր հայ ժողովրդի համար
բնորոշ էին համարում հողատիրության միայն համայնական ձևը³: «Որ հա-
մայնքը գոյություն ունի և գոյություն ունի ոչ միայն երբեկից հին Հայաստա-
նի կազմի մեջ մտնող Անդրկովկասի շրջաններում,— գրում է Ս. Եղիազարյա-
նը,— այլև ամբողջ Պարսկաստանում և Փոքր Ասիայում, դա փաստ է, բայց,

¹ С. А. Егиазаров, Исследования по истории учреждений в Закавказье, ч. I, Сельская община, Казань, 1889, с. 1.

² И. П. Петрушевский, Очерки по истории феодальных отношений в Азербайджане и Армении в XVI—начале XIX вв., Л., 1949, с. 222.

³ «Материалы по изучению экономического быта государственных крестьян в Закавказье», т. IV, ч. I, Тифлис, 1887, с. 50.

մյուս կողմից, մասնավոր հողային սեփականության միաժամանակյա գոյությունը նույնպես կասկածի ենթակա չէ⁴։ Ակներև է, որ Ս. Եղիազարյանը ժըխտելով միայն մասնավոր սեփականության նախասկզբնական գոյության մասին բուրժուական տնտեսագետների գաղափարը, միաժամանակ նշում էր նրա առկայությունը հին Հայաստանում։

Հայտնի է, որ Հայաստանում համայնական հողօգտագործման հիմքը համփաշարեբային համակարգն էր։ Ըստ այդ համակարգի, մեկ համփայի հողաբաժին ստանում էին 16 շունչ ունեցող ընտանիքները։ Դրանցից քիչ, բայց զույգ թվով ընտանիքները համապատասխանաբար ստանում էին $\frac{3}{4}$, $\frac{1}{2}$, $\frac{1}{4}$, $\frac{1}{8}$ համփա։ Կենտ թվով ընտանիքներին լրացուցիչ տրվում էր մեկ շնչի հողաբաժին։ Ս. Եղիազարյանն այսպիսի տարբերակումը համարում էր «արհեստական» և գտնում, որ այդ «դասակարգումն» արվել է ավելի շուտ հողաբաշխման հարմարության «պրակտիկ» նկատառումներից ելնելով։ Ընդհանրապես համփայի տնտեսական էության բացահայտումը ելակետային նըշանակություն ունի հայկական համայնքի հողօգտագործման հարաբերությունների լուսաբանման տեսակետից։ Այն ոչ միայն աննկատ չմնաց Ս. Եղիազարյանին, այլև դարձավ նրա հետազոտությունների առանցքային հարցերից մեկը։ Մի կողմ թողնելով համփաշարեբային համակարգի վերաբերյալ երկրամասի ագրարային հարաբերությունները հետազոտողների մեկնությունները, կարևոր ենք համարում անդրադառնալ Ս. Զելինսկու՝ համփան «վճարունակություն» դիտելու մտայնության⁵ Ս. Եղիազարյանի քննությանը, որն ունի սկզբունքային նշանակություն նրա էության բացահայտման առումով։ Քննադատելով Ս. Զելինսկուն, Ս. Եղիազարյանը գրել է. «Արևելքի գյուղական համայնքում ամենից առաջ որոշում են համայնքի անդամի տնտեսական, ունեցվածքային ունակությունը և հետո նոր հարկում այդ «ունակությանը» համապատասխան հարկերն ու պարհակները. այլ խոսքով ոչ թե հողի չափն է կախված հարկերի չափից, այլ, ընդհակառակը, հարկերի չափը կախված է համայնքի անդամի հողաբաժնի մեծությունից»⁶։ Հետևապես, համփատերը մեծ հողաբաժին է ստանում ոչ թե այն պատճառով, որ ավելի շատ հարկեր է վճարում և պարհակներ կատարում, այլ այն, որ համայնքի մյուս անդամների համեմատ մեծ հողաբաժին ունի։ Համփայի տնտեսական ունակության և հարկերի ու պարհակների փոխհարաբերության այսպիսի հարցադրումն ինքնին տրամաբանական է։ Սակայն ինչպես իրավացիորեն նկատել է Մ. Եգանյանը, համփան որպես նահապետական ընտանիքի տնտեսական կարողության միակ չափ իր ֆունկցիան կատարում էր վաղ ֆեոդալիզմի շրջանում։ Հետագայում մի շարք տնտեսական գործոնների ազդեցության հետևանքով համփան բաժանվում է առանձին մասերի, մանրատվում է՝ խախտելով ընտանիքի հողաբաժնի մեծության ու վճարունակության ուղիղ համեմատական կապը։ Ուստի միակողմանի պետք է համարել ինչպես Ա. Պարվիցկու՝ համփան «վճարունակություն» դիտելու մտայնությունը, այնպես էլ «վճարունակությունը» միայն

⁴ С. А. Егнazarов, *Եղ. աշխ.*, էջ 151։

⁵ «Материалы по изучению экономического быта государственных крестьян в Закавказье», т. III, ч. I, Тифлис, 1886, с. 20—21.

⁶ «Свод материалов по изучению экономического быта государственных крестьян Закавказского края», т. I, Тифлис, 1887, с. 18.

հողաբաժնի մեծությունից ւսժանցելու Ս. Եղիազարյանի տեսակետը: Այն իբրև տնտեսական կատեգորիա ճարտահայտում է յուրաքանչյուր ընտանիքի վիճակն ու վճարունակությունը⁷:

Հողերի վերաբաժանման համփային կարգը հատկապես կապիտալիստական հարաբերությունների զարգացման ժամանակաշրջանում, երբ բնատնտեսությունն իր տեղը զիջում էր ապրանքային տնտեսությանը, տեղիք էր տալիս լուրջ տնտեսական հակասությունների՝ նպաստելով գյուղի սոցիալական ու դասակարգային շերտավորմանը: Գյուղական բուրժուազիան իր ձեռքում էր կենտրոնացնում լավագույն հողերը: Դա ուղեկցվում էր գյուղացիության քայքայման, վաշխառական կապիտալի աշխուժացման և տարազնացության ուժեղացմամբ: Սոցիալական այս ներհակություններն առիթ էին տալիս համփա-չարեքային համակարգի պատմական հարատևության ստուգաբանումներին: Մի շարք հեղինակներ (Ա. Պարվիցկի, Ֆ. Մարկով) առավել նպատակահարմար էին գտնում հողերն ըստ շնչի բաշխման սկզբունքը⁸: Ս. Եղիազարյանը, ընդհակառակը, այն կարծիքին էր, որ դա չափազանց բացասական հետեւյալներ է ունենում գյուղացիական տնտեսությունների վրա՝ հանգեցնելով հողաբաժինների չափից ավելի մանրատմանը և շերտնդմիջությունների առաջացմանը: Նա, չբացատրելով նաև համփային համակարգի թերությունները՝ կապված անհող շնչերի առաջացման հետ, այնուամենայնիվ, հակված էր համայնքի ներսում հողի, ջրի, հարկերի և պարհակների բաշխման համփա-չարեքային սկզբունքի պահպանմանը, որն իբր թե միջոց էր՝ ապահովելու գյուղացիության նյութական բարեկեցությունը: Ս. Եղիազարյանի կարծիքով համփային համակարգի թերությունները հնարավոր էր վերացնել աշխույժ վերահսկողության և տեղական կառավարությունների ժամանակին միջամտության⁹ միջոցով: Ակներև է, որ այս դատողություններում բացակայում է տրնտեսական զարգացման օրենքների գիտականությունը և անտեսվում են հասարակական առաջընթացի օրինաչափությունների ճանաչումն ու պատմական պրոցեսների զգացողությունը: Նա չի նկատում, որ իրավական միջամտության մի կարելի կանխել տնտեսական զարգացման ընթացքը: Համայնքի հարցերում Ս. Եղիազարյանի վրա նկատելի է նարոդնիկության ազդեցությունը և համփա-չարեքային համակարգը նրա համար ժառայում էր որպես միջոց՝ ապահովելու համայնքի հետագա հարատևությունը:

Հայտնի է, որ Մ. Կովալևսկին եթե առաջավոր եվրոպական երկրներում համայնքի քայքայման փաստը դիտում էր որպես նրա ներքին զարգացման արդյունք, ապա գաղութային երկրներում, ինչպես, օրինակ, Հնդկաստանում, վճռական տեղ էր հատկացնում բռնությանն ու քաղաքական գործունեություն¹⁰, նույն ձևով էլ Ս. Եղիազարյանը հողի ըստ շնչի բաշխումը դիտում էր որպես միջոց, որն արհեստականորեն արագացնում էր համայնքի քայքայումը: Այդ սկզբունքը թեև «մաթեմատիկորեն» արդարացնելի է, սակայն հողաբաժիններ-

⁷ М. А. Еганян, Аграрные отношения в Армении до и после ее присоединения к России, с. 168 (դոկտորական դիսերտացիա, պահվում է ՀՍՍՀ ԳԱ տնտեսագիտության ինստիտուտի գրադարանում):

⁸ «Материалы по изучению экономического быта государственных крестьян в Закавказье», т. III, ч. I, с. 278.

⁹ С. А. Егназаров, *նշվ. աշխ.*, էջ 70:

¹⁰ «История русской экономической мысли», т. II, ч. I., М., 1959, с. 202.

րի մասնատումը դժվար կացության առաջ էր կանգնեցնում հատկապես փոքր ընտանիքներին, որոնք, հնարավորություն չունենալով հողը մշակելու, վեր էին ածվում վարձու բանվորների: Խախտվում էր համայնքի ներքին կառուցվածքը, «գյուղացու աշըում հողը կորցնում է և իր արժեքը և իր տնտեսական նշանակությունը»¹¹, Եվ Ս. Նղիազարյանը փորձում է համապատասխան թվական տվյալներով ցույց տալ, որ այն շրջաններում, ուր իշխում է համփաշարեքային համակարգը, անհողների թիվն անհամեմատ քիչ է¹², Հակառակ համայնքի պահպանման Ս. Նղիազարյանի ակնկալություններին, «տնտեսական զարգացման ուժը» ցուցադրում էր այլ օրինաչափություն: Հայտնի է, որ 1882 թ. Երեվանի նահանգապետը կարգադրում է հողաբաժինները բաշխել ոչ թե համփաշարեքային, այլ ըստ շնչերի սկզբունքով: 1890-ական թվականներին հրապարակվում են գյուղացիների հողաբաժինների վաճառքն ու գրավ դնելն արգելող օրենքներ, որոնք նպատակ ունեին արգելակելու համայնքի քայքայումը: Վ. Ի. Լենինը գրել է, որ «...հին՝ թե՛ կալվածատիրական և թե՛ գյուղացիական հողատիրության հեղաքելումը տնտեսական անվերապահ անհրաժեշտություն է դարձել: Այդ հեղաքելումը բացարձակապես անխուսափելի է, և աշխարհում ոչ մի ուժ չի կարող խանգարել դրան»¹³:

Պատմահասարակական պայմանները համայնքի քայքայումը դարձնում էին օրինաչափ, որպես հասարակության զարգացման համընդհանուր օրինաչափության դրսևորում: Համայնական տնտեսաձևի սոցիալական համակարգի ոչնչացումը պայմանավորված էր արտադրողական ուժերի զարգացման հետևանքով նրա անդամների գույքային ու սոցիալական շերտավորումով: Թերևս հենց այդ հանգամանքներով էր պայմանավորված համայնական հողօգտագործման սկզբունքների որոշ էվոլյուցիան, հողերի բաշխման այն նոր ձևի ի հայտ գալը, որի մասին Ս. Նղիազարյանը գրում է. «Այս դեպքում ծխին այս կամ այն հողաբաժնի հատկացման համար հիմք է ծառայում ոչ թե առանձին շնչերի թիվը, ինչպես դա տեղի ունեւ համփաշարեքային հին ձևի ժամանակ, այլ պարզապես ծխի տնտեսական ունակությունը—աշխատունակ շնչերի թիվը և տնտեսական գույքը...: Հողաբաժնի հատկացման ժամանակ հաշվի է առնվում գլխավորապես ընտանիքի տնտեսական ունակությունը»¹⁴, Հեղինակը չի անդրադառնում հողերի վերաբաշխման այս նոր կարգի և նրա դրդապատճառների քննությանը, այն չի կապում ավատական կապանքներից ազատվող և կապիտալիստական զարգացման ուղին թևակոխած հայկական գյուղում կատարվող տեղաշարժերի հետ: Ընդհակառակը, հենվելով լիբերալ-նարոդնիկական ուղղության ներկայացուցիչ Պ. Սոկոլովսկու «Ռուսաստանի հյուսիսում գյուղական համայնքի պատմության ուրվագծեր» աշխատության վրա, նա փորձում է ցույց տալ, որ հողերի նման դասակարգումը տեղ ունեւ նաև հին ռուսական համայնքում, ուր ծխերը բաժանվում էին «լավագույնի», «միջակի» և «թուլի»՝ ըստ տնտեսական ունակության¹⁵: Ինչպես իրավացիորեն նկատում է Ս. Զուրաբյանը, դա «ապրանքադրամական հարա-

¹¹ С. А. Егназаров, *Եզվ. աշխ.*, էջ 69:

¹² Նույն տեղում, էջ 70:

¹³ Վ. Ի. Լենին, *Նվժ.*, հ. 17, էջ 114—115:

¹⁴ С. А. Егназаров, *Եզվ. աշխ.*, էջ 63:

¹⁵ Նույն տեղում, էջ 63—64:

բերությունների զարգացման և համայնքի անգամների միջև տնտեսական անհավասարության աճի հետևանք»¹⁶ էր: Այն վկայում էր գյուղում կատարվող դասակարգային շերտավորման մասին, այն մասին, որ հողերի վերաբաժանման կարևոր գործոն էին դարձել տնտեսական լծակները: Եվ չնայած համայնքի կենսոնակության վերաբերյալ Ս. Եղիազարյանի դատողություններին, այնուամենայնիվ զարգացման պատմական պրոցեսի դիալեկտիկական օրինաչափությունը նրան ստիպում է խոստովանելու, որ «համայնքի կառավարումն ընդունում է օլիգարխիկ երանգ և համայնական հողատիրությունն աստիճանաբար քայքայվում է»¹⁷: Որո՞նք էին նրա կարծիքով այդ քայքայումը պայմանավորող գործոնները: Ս. Եղիազարյանը գտնում էր, որ համայնքի քայքայումը հատկապես նկատելի է և ինտենսիվ ձևով է կատարվում դաշտավայրային տաք շրջաններում, որտեղ զարգացած են այգեգործությունն ու տեխնիկական կուլտուրաների մշակումը: Մակավահողությունն ու սակավաշրուջությունը,— գրում է նա,— գյուղացիական վերնախավին դրդում են առավել արժեքավոր և ջրովի տեղամասերի աստիճանական ցանկապատմանը. վերջիններս ցանկապատումից հետո ամրացվում էին տիրոջը՝ ժառանգական տնօրինության իրավունքով: Ցանկապատումը, այսպիսով, հանդիսանում է համայնքի քայքայմանը նպաստող գլխավոր գործոններից մեկը»¹⁸: Համայնքի քայքայման հետ, շարունակում է նա, հողային սեփականությունն աստիճանաբար կենտրոնանում է ունեւոր դասի ձեռքում, որը հանգեցնում է չքավոր անդամների աշխատանքի շահագործմանն ու բատրակության առաջացմանը: Վկայակոչելով բազմաթիվ փաստեր, Ս. Եղիազարյանը նշում է, որ ցանկապատումների միջոցով հողերի սեփականացման երևույթը տեղի է ունեցել ինչպես Անգլիայում ու Դերմանիայում, այնպես էլ Դոնի կազակների ժամանակակից համայնքներում: Սակայն հայ տնտեսագետը չի նկատում, որ հողերի և առաջին հերթին համայնական հողերի ցանկապատումը, ինչպես եվրոպական երկրներում կապիտալիզմի նախասկզբնական կուտակման ժամանակաշրջանում, այնպես էլ երկրամասում պայմանավորված էին նոր տնտեսական հարաբերությունների, նոր տնտեսաձևի առաջացմամբ: Ինչպես Անգլիայում հողերի ցանկապատման արագացման համար կարևորագույն խթան հանդիսացավ բրդի մանուֆակտուրայի արագ զարգացումը, այնպես էլ հայ իրականության մեջ նորամուտ արդյունաբերությունն առաջադրում էր գյուղատնտեսական բազմապիսի հումքի պահանջը: Այդ պրոցեսը հանգեցնում էր մի կողմից խոշոր հողատերականատերերի առաջացմանն ու արտադրության նորագույն եղանակների ներդրմանը, մյուս կողմից՝ շուկայական հարաբերությունների ընդլայնմանը: Սակայն իրավացի է Ս. Եղիազարյանի այն նկատումը, որ «տնտեսական հեղաշրջումը—նահապետական համայնքի աստիճանական քայքայումը»¹⁹ համապատասխան փոփոխություններ է առաջ բերում ժողովրդի իրավական գիտակցության մեջ: Փաստորեն ցանկապատված հողատարածությունները վեր են ածվում ժառանգական կամ մասնավոր սեփականության՝ ստանալով համարժեքային բովանդակություն, չնայած իրավական գիտության առումով

16 Ս. Ե. Զ ու Ր ա բ յ ա ն, Հայ տնտեսագիտական մտքի զարգացման ուղիագծեր, Երևան, 1959, էջ 309:

17 С. А. Егн а з а р о в, նշվ. աշխ., էջ V:

18 Նույն տեղում, էջ 151:

19 Նույն տեղում:

դրանք տարբեր ինստիտուտներ են: Հենց այս առումով էլ նա հակադրվում է բոլոր այն հեղինակներին, ովքեր, հենվելով մոսկովմանական արևելքի կրոնական օրենքների վրա, ժխտում էին մասնավոր սեփականության առկայությունը, գտնելով, որ գալով «անբովանդակ ֆիկցիա» է²⁰: Այդպիսին է Ս. Նղիազարյանին ներկայանում նաև մուլքը, որովհետև այն ձեռք է բերված «այն ճանապարհով, ինչպես ուրիշ շատ սեփականություններ»²¹:

Գյուղի բուրժուականացումն իբրև հետևանք առաջ բերեց մի նոր երևույթ՝ վարձակալական հարաբերությունների ուժեղացումը: Գյուղական բուրժուազիայի ձեռքում հողերի կենտրոնացման, վարձակալական հարաբերությունների աշխուժացման հետևանքով գյուղացիության մի հսկայական մասը զրկվելով արտադրության միջոցներից, աշխատուժի համապատասխան կիրառում չէր գտնում և դիմում էր տարազնաց աշխատանքի՝ ապրուստի միջոցներ փնտրելով երկրամասի արդյունաբերական կենտրոններում: Հողը, ինչպես նշում է Ս. Նղիազարյանը, վարձակալության էր տրվում ամենաժանր պայմաններով: Նա տարբերակում է հողի վարձակալության երեք հիմնական ձևեր՝ առանձին տնատերերի, գյուղացիական խմբերի, իսկ սակավագեպ՝ ամբողջ համայնքների կողմից: Հաճախ վարձակալում էին ոչ միայն հողաբաժնով չապահովված պետական գյուղացիները, այլև նրանց այն մասը, որ տնօրինում էր ավելցուկ աշխատուժը²²:

Վարձակալական հարաբերություններ ծնող դրդապատճառներից գլխավորը, Ս. Նղիազարյանի կարծիքով, սակավահողությունն ու սակավաջրությունն են: «Գյուղացիների կենցաղում,— գրում է նա,— վարձակալված հողը կիրառվում է բավական հաճախ... վարձակալների գլխավոր համակազմը, համենայն դեպս, բաղկացած է սակավահող գյուղացիներից...: Գլխավոր պատճառների շարքում, որոնք գյուղացիներին հարկադրում են դիմել մասնավոր տիրույթների հողերը վարձելուն, առաջին տեղը գրավում են սակավահողությունն ու սակավաջրությունը»²³:

Ս. Նղիազարյանը հատուկ աշխատություն է նվիրել ջրատիրման համայնական սկզբունքների վերլուծությանը: Նա ցույց է տալիս, թե ինչպես են համայնքի ներսում հետզհետե խարխվում ջրի բաշխման դեմոկրատական ավանդույթները: Փաստորեն ջուրը միրաբների և ջուլարների ձեռքին դարձել էր մասնավոր սեփականություն, որպես շահագործման, նոր հողերի յուրացման և կաշառակերության միջոց²⁴: Նշված հանգամանքները տարազնացության գլխավոր պատճառ դիտելու մտայնությունն ընդհանրապես հատուկ էր լիբերալ ուղղության գրեթե բոլոր տեսաբաններին: Նրանք նշում էին փաստը, առանց խորանալու այդ երևույթի առաջացնող տնտեսական հարաբերությունների էության մեջ: Եվ տրամաբանական է, որ կապիտալիզմի զարգացման հետևանքով վարձակալական հարաբերությունների արմատավորման հարցը նը-

²⁰ Նույն տեղում, էջ 138:

²¹ Ս. Նղիազարյան, Ֆեոդալական հողատիրությունը Եվրոպայում, մեր երկրի հայրենակ մասում և մեր գյուղացու այժմյան տնտեսական դրությունը, Բիֆլիս, 1882, էջ 22:

²² С. А. Егизаров, Исследования по истории учреждений в Закавказье, ч. I, с. 199.

²³ Նույն տեղում:

²⁴ С. А. Егизаров, О водовладении в Кавказском крае, Киев, 1896.

րանք լայն շրջագծով քննության չէին ենթարկում: «Մեր լիբերալները,— դրել է Վ. Ի. Լենինը,— «գյուղացիական հարցը» մշտապես զննում են գյուղացիների «հողաստակավության» կամ նրանց կենցաղը «պետականորեն կարգավորելու» անհրաժեշտության կամ թե այս կամ այն «նորմայով» հող հատկացնելու (այս մեղքը գործում են նաև նարոդնիկները) տեսակետից: Այսպիսի տեսակետը արմատապես սխալ է»²⁵:

Դեռևս 1840-ական թվականներից սկսած ավելանում էր գյուղացիների պահանջարկը փողի նկատմամբ՝ կապված մթերային բահրան դրամականով փոխարինելու հետ: Այս հանգամանքը, հարկերի ու բահրանների հետագա ավելացումը, սակավահողությունն ու գյուղացիական ապրանքների իրացման դեռևս սահմանափակ հնարավորությունները բարենպաստ պայմաններ ստեղծեցին վաշխառուական կապիտալի աշխուժացման համար, որն ուղեկցվեց գյուղացիության շահագործման և տնտեսական քայքայման ուժեղացմամբ: Գյուղացին հնարավորություն չունենալով ժամանակին մարելու պարտքը, վաշխառուին զիջում էր հողի օգտագործման իրավունքը: «Զի կարելի անտարբերությամբ նայել այն բանին,— գրում է Ս. Նիլազարյանը,— թե ինչպես կուլակներն ու գյուղացիության ունեոր դասը ամեն գնով բռնագրավում ու յուրացնում են ամենաանկամտաբեր և արժեքավոր հողերը»²⁶: Նա վկայակոչումներ է անում Յ. Դյակոնսկուց, Խան-Աղովից և Ա. Պարվիցկուց՝ ցույց տալու կուլակության շահարկությունները: Վարկը ժամանակին չմարելով, գյուղացին ստիպված էր կա՛մ վաճառել իր գույքը, կա՛մ էլ վարկատուին զիջել իր հողաբաժնի օգտագործման իրավունքը՝ մինչև պարտքի մարումը: Առաջինները կա՛մ իրենց հողաբաժինները տալիս էին վարձակալության, կա՛մ էլ վարձակալվում էին համագյուղացի հարուստների մոտ աշխատելու, իսկ երկրորդները ստիպված թողնում էին հողագործությունը՝ դիմելով այլ զբաղմունքների, կազմավորելով «անտնտես ժխեր»²⁷: Այս բոլորը հետևանք էր «վաշխառության և աշխատանքի ստրկացման»²⁸, որոնք էլ, Ս. Նիլազարյանի կարծիքով, խախտում էին համայնական հարաբերությունների հիմքերը: Ընդհանրապես, վաշխառուական կապիտալը որպես շահագործման միջոց միշտ էլ ներպաստել է սեփականության հին ձևերի խորտակմանը, գյուղացիական մասսաների քայքայմանը, արտադրության միջոցներից մանր արտադրողների զրկմանը և վարձու բանվորության առաջացմանը: Աշխատանքի ստրկացումն ու վաշխառուական կապիտալն արդեն վկայությունն էին հայկական գյուղում կապիտալիստական հարաբերությունների զարգացման, որպես նրա սկզբնական և հասուն ձևերի: «Զէ՞» որ այդ ստրկացումը,— գրել է Վ. Ի. Լենինը,— որ նա հենց նոր ոչնչացրեց նրա ռեզրեսիվության համար, ոչ այլ ինչ է, եթե ոչ կապիտալիզմի սկզբնական արտահայտություն հողագործության մեջ, նույն այն կապիտալիզմի, որը հետագայում տանում է դեպի տեխնիկայի պրոգրեսիվ վերելքը: Իսկապես, ի՞նչ բան է ստրկացումը: Դա արտադրության իր սեփական միջոցներն ունեցող ու շուկայի համար աշխատելու հարկադրված տրն-

²⁵ Վ. Ի. Լենին, ԵԺԺ, հ. 25, էջ 112:

²⁶ С. А. Егизаров, Исследования по истории учреждений в Закавказье, ч. 1, с. 231.

²⁷ Նույն տեղում:

²⁸ Նույն տեղում:

տեսաստիճող կախումն է դրամատիկորոշից, կախում, որ, որքան էլ տարբեր ձև-վերով արտահայտվի (վաշխառուական կապիտալի, թե վաճառահանության մենաշնորհը դարձրած մեծագնորդի կապիտալի ձևով), միշտ այն հետևանքն է ունենում, որ աշխատանքի արգասիքի հսկայական մասը հասնում է ոչ թե արտադրողին, այլ՝ դրամատիկորոշը: Հետևապես, նրա էությունը զուտ կապիտալիստական է, և ամբողջ առանձնահատկությունն այն է, որ կապիտալիստական հարաբերությունների այդ սկզբնական, սաղմնային ձևն ամբողջովին կաշկանդված է նախկին, ճորտատիրական հարաբերություններով»²⁹:

Ս. Եղիազարյանը հայկական համայնքի առանձնահատուկ գծերից է համարում նրա համադասային բնույթը, այն որ գյուղացիների հետ մեկտեղ ապրում և հողին տիրում էին նաև այլ խավերի ներկայացուցիչներ: Գյուղական համայնքը մուսուլմանական Արևելքում և Անդրկովկասում, — գրում է նա, — շունի մեկուսացած, նեղ դասային կազմակերպություն: Գյուղերում գյուղացիների հետ մեկտեղ, թեև սահմանափակ քանակությամբ, ապրում և պետական ու սեփականատիրական հողերին տիրում են անձինք, որոնք պատկանում են այլ խավերի...: Սրանց են պատկանում ամենից առաջ տեղացի գյուղական ազնվականությունը՝ մելիքները, բեդերը, աղալարները..., հոգևորականությունը, առևտրականները»³⁰: Պատմականորեն ձևավորված» այս համադասային կազմը, նրա կարծիքով, նպաստում էր համայնքի քայքայմանը, որը հատկապես դրսևորվում է հարկային սիստեմի բնագավառում: Հարկերի ամբողջ ծանրությունն ընկած էր չքավոր գյուղացիության վրա: Հարկաչափը որոշվում էր կամայական ձևով և հաշվի չէր առնվում գյուղացիության տնտեսական փաստական վիճակը: Ս. Եղիազարյանը համաձայնում է Ֆ. Մարկովի այն կարծիքի հետ, որ համայնքում կողմնակի անձանց համար գոյություն չունի հարկերի ու պարհակների սահմանված որևէ չափ: Նրանք կա՛մ ընդհանրապես ազատված են դրանցից կա՛մ էլ վճարում են մասնակի ձևով: Գյուղացիական վերնախավի մյուս ներկայացուցիչների հանդեպ ըստ էության ցուցաբերելով հանդուրժողական վերաբերմունք, նա հատկապես քննադատում է առևտրական դասի ներկայացուցիչների գյուղ ներթափանցման երևույթը, որը սեփականազրկում է գյուղացիությանը՝ անբարեբար ազդեցություն ունենալով նրա «բարեկեցության» վրա»³¹: Ս. Եղիազարյանն առաջարկում էր հարկային սիստեմի այդ ցավոտ տեղը շտկել երկու եղանակով. կա՛մ անհրաժեշտ է հատուկ օրենքով տուրքավորել նաև կողմնակի անձանց (պետական գյուղացիությանը հավասարապես), որը, սակայն, կարող է հակասական լինել նրանց արտոնյալ վիճակին, կա՛մ էլ հարկերն ու պարհակները փոխարինել մեկ ընդհանուր տասնորդական դրամական հողատուրքով, որը բացառապես ընկնում է հողի վրա՝ որպես հարկադրման օբյեկտի»³²: Այսինքն, ըստ էության Ս. Եղիազարյանն առաջարկում էր հարկումն իրականացնել հողաբաժիններին համապատասխան: Բայց հազիվ թե դա որևէ փոփոխություն առաջ բերեր գյուղացիության վիճակի

²⁹ Վ. Ի. Լենին, ՆԺ, հ. 1, էջ 619—620:

³⁰ С. А. Егизаров, Исследования по истории учреждений в Закавказье, ч. 1, с. 1.

³¹ «Свод материалов по изучению экономического быта государственных крестьян Закавказского края», т. 1, с. 10—15.

³² Նույն տեղում:

մեջ, Բանն այն է, որ հարկերի բաշխումը կատարվում էր համայնքի ունեւոր անդամների կողմից, ուստի հարկերի հիմնական մասն էլ բաժին էր ընկնում շուկեւոր գյուղացիութեանը: Մյուս կողմից, վարձակալութեան տրված հողերի դիմաց ստացված համախառն արդյունքից գյուղացին հարկ էր վճարում ոչ թե հողի մի մասի, այլ ամբողջի համար, որը և նրան դնում էր տնտեսական ավելի ծանր պայմանների մեջ: «Ինչպես հայտնի է,— գրել է Վ. Ի. Լենինը,— գյուղացիք բոլոր հարկերն ըստ հողի են բաժանում. հարկերի բաժինն ու հողի բաժինը նրանց համար միաձուլվում է մեկ՝ «շունչ», գաղափարի մեջ: Մինչդեռ գյուղացիութեան քայքայումը, ինչպես տեսանք, տանում է հողաբաժնի դերի նվազումը ժամանակակից գյուղի երկու բեռներում: Բնական է, որ այդպիսի պայմաններում հարկերի բաշխումն ըստ հողաբաժնի (որ անբախտելիորեն կապված է համայնքի պարտադիր բնութի հետ) հարկերի ծանրութեանն ունեւոր գյուղացիներից չքավորութեան վրա է գցում: Համայնքը (այսինքն՝ համերաշխիքն ու հողից հրաժարվելու իրավունքի բացակայությունը) ավելի ու ավելի վնասակար է դառնում գյուղացիական չքավորութեան համար»³³:

Որո՞նք են այն միջոցները, որոնցով Ս. Նղիադարյանը նպատակ էր հետաժողով բարելավել գյուղացու տնտեսական դրութեանը, վերացնել վաշխառութեանը, պայմաններ ստեղծել գյուղատնտեսութեան զարգացման համար և, վերջին հաշվով, կանխել համայնքի քայքայումը: Նա չէր ընդունում հասարակական այն հոսանքի առաջադիմական դոկտրինան, որն ակնկալում էր հողը վերցնել կալվածատերերից և տրամադրել գյուղացիութեանը, առաջարկելով առավել «հիմնավոր» միջոցներ: Ս. Նղիադարյանի կարծիքով անհրաժեշտ էր «էժան և ձեռնադր կրեդիտ բաժանել գյուղացիներին», նրանց վաշխառուներից ազատելու, «նոր հողեր գնելու և գնած հողերը ձեռքից շփոթնելու» համար, «շրանցքներ շինել» և «շուրացնել ազատ հողերը», «գյուղատնտեսական գիտութեանների հետ ծանոթացնել գյուղացիներին» և ներդնել արտադրութեան առաջավոր եղանակներ, սահմանափակել հողերի առքն ու վաճառքը³⁴, կարգավորել հողերի վերաբաժանման ժամկետներն ու հավասարակշռել բնակչութեան աճի և համայնքի աշխատանքային հնարավորութեանները³⁵ և այլն: Նա չէր նկատում, որ համայնքի քայքայումը հասարակութեան կապիտալիստական փոխակերպութեան հետևանք է և հասկանալի է, որ գյուղացիութեան սոցիալական շերտավորման փաստը դիտում էր ոչ թե դասակարգային, այլ միայն ունեցվածքային շերտավորման տեսանկյունից³⁶:

Ս. Նղիադարյանի առաջարկած «հիմնավոր» միջոցներն արմատական ունեն չէին տալիս և ոչ միայն ենթարկված էին տեսական սխալ կանխադրույթների, այլև հաշվի չէին առնում հայկական իրականութեան մեջ դրանք կիրառելու գործնական հնարավորութեանները: Դրանք ոչ այլ ինչ էին, եթե ոչ՝ ըստ

³³ Վ. Ի. Լենին, ԵԺ, հ. 3, էջ 176—177:

³⁴ Ս. Նղիադարյան, Ֆեոդալական հողատիրութեանը քննադատում, մեր երկրի հայրենակ մասում և մեր գյուղացու այժմյան տնտեսական դրութեանը, էջ 35—40:

³⁵ С. А. Егiazаров, Исследования по истории учреждений в Закавказье, ч. I, с. 66.

³⁶ А. С. Амбарян, Развитие капиталистических отношений в армянской деревне, Ереван, 1959, с. 6.

էության Երկրի տնտեսական զարգացումը կապիտալիստական ուղիով տանելու «համադեմոկրատական միջոցառումներ»³⁷։

Ս. Եղիազարյանի ուղեգծումները լուկ նպատակ էին հետամտում նոր իրադրության հետ կապակցելու և պահպանելու պատմական հին տնտեսական հաստատությունները։ Նա տեսնում էր վերջիններիս քայքայումը, բայց և փորձում էր դիմակայել զարգացման տրամաբանությանը։ Եվ տնտեսական զարգացման նրա ծրագիրը ձեռք էր բերում ումանտիկական բովանդակություն։

СЕЛЬСКАЯ ОБЩИНА В СИСТЕМЕ ЭКОНОМИЧЕСКИХ ВОЗЗРЕНИЙ С. ЕГИАЗАРЯНА

РОБЕРТ САРИНЯН

Резюме

Во второй половине XIX в. вопрос о сельской общине со всей остротой встал перед общественной мыслью. Быстрое развитие капитализма вызвало изменения в структуре общинных отношений. Встал вопрос об исторической правомерности существования общины.

Известный экономист С. Егиазарян дал анализ структуры общинных отношений, показав процесс ее разложения и картину социально-экономических сдвигов в деревне. Его программа преследовала цель путем совершенствования системы распределения земель, налоговой системы, кредита, введения прогрессивных методов производства и др. приостановить дальнейшее разложение общины, сохранив в новых условиях институт, противостоящий историческому прогрессу. Эта программа перекликается с концепциями экономического романтизма.

37 Վ. Ի. ՀԱՆԻՆ, ԵԼԺ, հ. 1, էջ 645։